


ՓՈՂԵՐԻ ՆԵՐԳՐԱՎՈՒՄ.

մեծ խնդիր բիզնեսի սկզբում



Kingdom of the Netherlands




«Ֆինանսների փնտրտուքով ուր և ում ասես,
որ չեմ դիմել: Օրինակ, Եվրոպայում անտոկոս
վարկ է տալիս պետությունը, նորաստեղծ
բիզնեսներին պետական աջակցություն կա:

Մեր պետությունում չկա: Ես ոչ մի
աջակցություն չեմ գտել: Հայաստանում մենք
ուզում ենք տնտեսություն զարգացնել, բայց
հարկատուին միայն խեղդում ենք, ոչնչացնում
ենք, ուրիշ ոչ մի բան չենք տալիս»:




Նաիրա Պողոսյան
բանակցային հմտությունների վարպետության
ծառայության հիմնադիր



Բանակցային հմտությունների
վարպետության (coaching)
ծառայություններից օգտվում են թե՛
բանակցային հմտություններ ձեռք բերել
ցանկացողները, թե՛ բիզնեսում կամ
անձնական տարբեր հարցերի լուծումներ
փնտրողներ:


Ֆինանսավորում ներգրավելու հիմնական ձևերը



Նաիրան մասնակցել է մի ծրագրի, որի
շրջանակում ցածր տոկոսադրույթով
վարկ վերցնելու հնարավորություն է
ունեցել.

«Բայց անշարժ գույքի գրավադրում էր
ուզում, իսկ իմ ընտանիքն ինձ այդ
հարցով չէր օգնի»:

Նաիրային հաջողվել է համոզել
մտերիմ ընկերներից մեկին
ֆինանսավորել իր գաղափարը և սկսել
բիզնեսը:





Դրամաշնորհներ

Կին սկսնակ ձեռներեցներին մինչև 2
միլիոն դրամ դրամաշնորհներ՝
ֆինանսական անհատույց դրամական
աջակցություն է տրամադրում
Հայկական բարեգործական
ընդհանուր միությունը (ՀԲԸՄ)՝ «Կին
ձեռներեցներ» ծրագրով:

Ծրագրի մասնակիցները նախ
դասընթացների են մասնակցում,
կազմում են իրենց բիզնես պլանը՝
աշխատելով տարբեր մասնագետների,
այդ թվում բիզնես խորհրդատուի հետ:

Հաջորդ փուլում դիմում են
առավելագույնը 2 մլն դրամի
դրամաշնորհի ստանալու համար:

Տաթևիկ Մանուկյան
ՀԲԸՄ «Կին ձեռներեցներ» ծրագրի ղեկավար



Պետության արձագանքը

«Էկոնոմիկայի նախարարության ծրագրերը լայն ընդգրկում ունեն և չեն թիրախավորում առանձին խմբեր և պետական քաղաքականությունը ուղղված է ձեռներեցության և բիզնեսի զարգացման համընդհանուր աջակցության ապահովմանը՝ առանց տարիքային կամ սոցիալական խմբերի սահմանափակման: Կանանց ձեռներեցության խթանումն դիտարկվում է գործող պետական և միջազգային ծրագրերի համատեքստում»:

ՀՀ Էկոնոմիկայի նախարարություն

